


書名 廣文選八十二卷 嘉靖  
十二年序刊本  
撰者 明 劉節 輯  
卷 卷二十五  
內容分類 集-總集-詩文  
索書號 大木-集部-總集類-3

# 卷二十五



廣文選卷第一

編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

天地廣

天地賦

成公子安



明通議大夫都察院右副都御史大庾劉節廣

惟自然之  
初載兮道  
虛無而玄  
清太素紛  
以溷淆兮  
始有物而  
混成何元  
一之芒昧  
兮廓開闢  
而著形爾  
乃清濁剖  
兮玄黃判  
離太極既  
殊是生兩  
儀星辰煥  
列日月重  
規以尊地  
靜以卑尋  
明迭炤或  
盈或虧陰  
陽協氣而  
寒暑隨時  
而推移三  
才殊性五  
行異位千  
變庶類授  
之以形稟  
之以氣色  
表文采聲  
有音方流  
形品物鼓  
以雷霆潤  
以慶雲八  
風翱翔

廣文選卷第二十五

明通議大夫都察院右副都御史大庾劉節廣

詩

雜詩下

栢梁體詩

漢武帝

日月星辰和四時武帝驂駕駟馬從梁來梁王郡國士馬羽

林材大司馬擗領天下誠難治丞相和撫四夷不易哉

大將軍刀筆之吏臣執之御史大夫撞鍾伐鼓聲中詩太

衛青宗室廣大日益滋宗正劉周衛交戟禁不時衛尉

德摠領從官栢梁臺光祿勳平理請讞決嫌疑杜尉修

飾輿馬待駕來太僕公郡國吏功差次之大鴻臚乘輿

御物主治之少府王陳粟萬石揚管簞大司農徼道宮



下隨討治執金吾中丞豹三輔盜賊天下危左馮翊盜阻南山

為民災古扶風李成信外家公主不可治京兆尹椒房率領更其

材詹事陳掌蠻夷朝賀常舍其典屬國柱枅榑櫨相枝持匠枇

杷橘栗桃李梅大宦令走狗走兔張杲且上林令齧妃女唇

甘如飴郭舍人迫窘誥屈幾窮哉朔東方

古詩 五首

漢武帝

上山採靡蕪下山逢故夫長跪問故夫新人復何如新

人雖言好未若故人妹顏色類相似手瓜不相如新人

從門入故人從門去新人工織縑故人工織素織縑日

一匹織素五丈餘將縑來比素新人不如故

四坐且莫誼願聽歌一言請說銅爐器崔嵬象南山上

枝似松栢下根據銅盤離文各異類離婁目相聯誰能

為此器公輸與魯班朱火然其中青煙颺其間從風入

君懷四坐且莫歡香風難久居空令蕙草殘

悲與親友別氣結不能言贈子以自愛道遠會見難人

生無幾時顛沛在其間念子弃我去新心有所歡結志

青雲上何時復來還

粵穆清風至吹我羅衣裾青袍似春草長條隨風舒朝

登津梁山褰裳望所思安得抱柱言皎日以為期

蘭若生春陽涉冬猶盛滋願言追昔愛情欸感四時美

人在雲端天路隔無期夜光照玄陰長嘆念所思誰謂

我無憂積念發狂癡

雜詩 二首

孔文舉

巖巖終山首赫赫炎天路高明曜雲門遠景灼寒素昂



昂累世上結根在所固呂望老匹夫苟為因世故管仲  
小囚臣獨能建功祚人生有何常但患年歲暮幸託不  
肖軀且當猛虎步安能苦一身與世同舉措由不慎小  
節庸夫笑我度呂望尚不希夷齊何足慕  
遠送新行客歲暮乃來歸入門望愛子妻妾向人悲聞  
子不可見日已潛光輝孤墳在西北常念君來遲寒裳  
上虛丘但見蒿與薇白骨歸黃泉肥體乘塵飛生時不  
識父死後知我誰孤魂遊窮暮飄飄安所依人生圖享  
息爾死我念追俛仰內傷心不覺淚沾衣人生自有命  
但恨生日希

閨情詩

曹子建

覽衣出中閨道遙步兩楹闌房何寂寞綠草被階庭空  
六室一作自生風白鳥翻南征春思安可忘憂戚與君  
佳人在遠道妾身單且乳歡會難再逢一作蘭芝不重  
榮人皆弃舊愛君豈若平生寄松為女蘿依水如浮萍  
齋身奉袵帶朝夕不墮傾儻終顧盼思一作儻願永副  
我中情

雜詩

曹子建

悠悠遠行客去家千餘里出亦無所之入亦無所止浮  
雲翳日光悲風動地起

雜詩

四首

王仲宣

吉日簡清時從君出西園方軌策良馬並驅厲中原北  
臨清漳水西看栢楊山回翔遊廣囿道遙波水間  
列車息衆駕相伴綠水湄幽蘭吐芳烈芙蓉發紅暉百



鳥何續翻振翼羣相追投網引潛魚強弩下高飛白日  
已西邁歡樂忽忘歸

聯翻飛鸞鳥獨遊無所因毛羽照野草哀鳴入層雲我  
尚假羽翼飛覩爾形身願乃春陽會交頸覲殷勤  
鷲鳥化爲鳩遠竄江漢邊遭遇風雲會託身鸞鳳間天  
姿旣否戾受性又不閑邂逅見逼迫俛仰不得言

雜詩 五首

徐偉長

沉陰結愁憂愁憂爲誰與念與君相別各在天一方良  
會未有期中心摧且傷不聊憂食食慙慙常飢空端坐  
而無爲髣髴君容光

峩峩高山首悠悠萬里道君去日已遠鬱結令人老人  
生一世間忽若暮春草時不可再得何爲自愁腦每誦  
昔鴻恩賤軀焉自保

浮雲何洋洋願因通我辭飄飄不可寄徙倚徒相思人  
離皆復會君獨無反期自君之出矣明鏡暗不治思君  
如流水何有窮已時

慘慘時節盡蘭華凋復零喟然長嘆息君期慰我情展  
轉不能寐長夜何綿綿躡履起出戶仰觀三星連自恨  
志不遂泣涕如涌泉

思君見巾櫛以益我勞勤安得鴻鸞羽覩此心中人誠  
心亮不遂搔首立悁悁何言一不見復會無因緣故然  
比目惠今隔如參辰

室思詩

徐偉長

人靡不有初想君能終之別來歷年歲舊恩何可期重



新而忘故君子所猶譏寄身雖在遠豈忘君須臾既厚  
不爲薄想君時見思

大蜡詩

裴秀

日躔星紀大呂司辰立象改次度衆更新歲事告成八  
蜡報勤告成伊何年豐物阜豐禋孝祀介茲景福報勤  
伊何農功是歸穆穆我后矜茲蒸黎飲饗清祀四方來  
綏充物郊甸鱗集京師交蜡貿遷紛葩相追慘袂成幕  
連衽成帷有肉如丘有酒如泉有肴如林有貨如山率  
土同懽和氣來臻朔風叶順降祉自天方隅清謐嘉祚  
日延與人優游享壽萬年

雜詩

應德璉

細微可不慎隄潰白蟻穴腠理早從事安復勞鍼石哲  
人覩未形愚夫闇明白曲突不見賓焦爛爲上客思願  
獻良規江海倘不逆狂言雖寡善猶有如鷄脅鷄脅食  
不已齊王爲肥澤

雜詩二首

傅休奕

鵲巢丘城側雀汝乳井中居不附龍鳳常畏蛇與虫依  
賢義不恐近暴自當窮

閑夜微風起明月照高臺清響呼不應玄景招不來廚  
人進藿茹有酒不盈杯安貧福所與富貴爲禍媒金玉  
雖高堂於我賤蒿菜

雜詩二首

張茂先

逍遙遊春空空與綠池阿白蘋開素葉朱草茂丹華微  
風搖萑若增波動芰荷榮彩曜中林流馨入綺羅王孫



遊不歸修路邈以遐誰與翫遺芳佇立獨咨嗟  
荏苒日月運寒暑忽流易同好逝不存若若遠離析房  
權自來風戶庭無行迹蒹葭生床下蛛蝥網四壁懷思  
豈不隆感物重鬱積遊鴈比翼翔歸鴻知接翻來哉彼  
君子無愁徒自隔

雜詩

司馬紹統

百草應節生含氣有深淺秋蓬獨何辜飄颻隨風轉長  
飈臺飛薄吹我之四遠搔首望故株邈然無由返

雜詩

陸冲

命駕遵長途綿邈塗難尋我行一何艱山川阻且深洿  
澤無夷軌重蠻有層陰零雨淹中路玄雲蔽高岑俯悼  
孤竹獸仰嘆偏翔禽空谷回悲響流風漂哀音羈旅淹  
留久悵望愁我心

停雲詩 四首

陶淵明

靄靄停雲濛濛時雨八表同昏平路伊阻靜寄東軒春  
醪獨撫良朋悠邈搔首延佇○停雲靄靄時雨濛濛八  
表同昏平陸成江有酒有酒閑飲東窓願言懷人舟車  
靡從○東園之樹枝條再榮競用新好以招余情人亦  
有言日月于征安得促席說彼平生○翩翩飛鳥息我  
庭柯斂翻間止好聲相和豈無他人念子寔多願言不  
獲抱恨如何

歸鳥詩 四首

陶淵明

翼翼歸鳥晨去于林遠之八表近憇雲岑和風不洽翻  
翻求心顧儔相鳴景庇清陰○翼翼歸鳥載翔載飛雖



不懷游見林情依遇雲頡頏相鳴而歸遐路誠悠性愛  
無遺○翼翼歸鳥馴林徘徊豈思天路欣及舊棲雖無  
昔侶衆聲每諧日夕氣清悠然其懷○翼翼歸鳥戢羽  
寒條游不曠林宿則森標晨風清興好音時交矰繳奚  
施已卷安勞

九日閑居

陶淵明

世短意常多斯人樂久生日月依辰至舉俗愛其名露  
凄暝風息氣澈天象明往燕無遺影來鴈有餘聲酒能  
祛百慮菊爲制頽齡如何蓬廬士空視時運傾塵爵耻  
虛壘寒華徒自榮歛襟獨閑謠緬焉起深情栖遲固多  
娛淹留豈無成

歸田園居

五首

陶淵明

少無適俗韻性本愛丘山誤落塵網中一去三十年羈  
鳥戀舊林池魚思故淵開荒南野際守拙歸田園方宅  
十餘畝草屋八九間榆柳蔭後園桃李羅堂前曖曖遠  
人村依依墟里烟狗吠深巷中鷄鳴桑樹顛戶庭無塵  
雜虛室有餘閑久在樊籠裏復得返自然

野外罕人事窮巷寡輪鞅白日掩荆扉虛室絕塵想時  
復墟曲中披草共來往相見無雜言但道桑麻長桑麻  
日已長我土日已廣常恐霜霰至零落同草莽

種豆南山下草盛豆苗稀晨興理荒穢帶月荷鋤歸道  
狹草木長夕露沾我衣衣沾不足惜但使願無違

久去山澤游浪莽林野娛試攜子姪輩披榛步荒墟徘  
徊丘壟間依依昔人居井竈有遺處桑竹殘朽株借問



採薪者此人皆焉如薪者向我言死沒無復餘一世異  
朝市此語真不虛人生似幻化終當歸空無

悵恨獨策還崎嶇歷榛曲山澗清且淺遇以濯吾足漉  
我新熟酒隻鷄招近局日入室中闇荆薪代明燭歡來  
苦夕短已復至天旭

移居

陶淵明

昔欲居南村非爲卜其宅聞多素心人樂與數晨夕懷  
此頗有年今日從茲役蔽廬何必廣取足蔽牀席鄰曲  
時時來抗言談在昔奇文共欣賞疑義相與析  
春秋多佳日登高賦新詩過我更相呼有酒斟酌之農  
務各自歸閑暇輒相思相思則披衣言笑無厭時此理  
將不勝無爲忽去茲衣食當須紀力耕不吾欺

歲暮和張常侍

陶淵明

市朝悽舊人驟驥感悲泉明且非今日歲暮余何言素  
顏斂光潤白髮一已繁開哉秦穆談旅力豈未愆向夕  
長風起寒雲沒西山厲厲氣遂嚴紛紛飛鳥還民生鮮  
常在矧伊愁苦纏屢闕清醑至無以樂當年窮通靡攸  
慮顛顛由化遷撫已有深懷履運增慨然

戊申歲六月中遇火

陶淵明

草廬竒窮巷甘以辭華軒正夏長風急林室頓燒燔一  
宅無遺宇舫舟蔭門前迢迢新秋夕亭亭月將圓果菜  
始復生驚鳥尚未還中宵竚遙念一眴周九天總髮抱  
孤念奄出四十年形迹憑化往靈府長獨閑真剛自有  
質玉石乃非堅仰想東戶時餘糧宛中田鼓腹無所思



朝起暮歸眠既已不遇茲且遂灌西園

已酉九月九日

陶淵明

靡靡秋已夕淒淒風露交蔓草不復榮園木空自凋清  
氣澄餘滓杳然天界高哀蟬無歸響叢鴈鳴雲霄萬化  
相尋繹人生豈不勞從古皆有役念之中心焦何以稱  
我情濁酒且一作思自陶十載非所知聊以求今朝

始春懷古田園

陶淵明

先師有遺訓憂道不憂貧瞻望邈難逮轉欲志長勤秉  
來歡時務解顏勸農人平疇交遠風良苗亦懷新雖未  
量歲功卽事多所欣耕種有時息行者無問津日入相  
與歸壺漿勞近隣長吟掩柴門聊爲壟畝民

西田穫稻

陶淵明

人生歸有道衣食固其端孰是都不管而以求自安開  
春理常業歲功聊可觀晨出肆微動日入負禾還山中  
饒霜露風氣亦先寒田家豈不苦弗獲辭此難四體誠  
乃疲庶異無患干盥濯息簷下斗酒散襟顏遙遙沮溺  
心千載乃相關但願長如此躬耕非所歎

雜詩八首

陶淵明

人生無根蒂飄如陌上塵分散逐風轉此已非常身落  
地爲兄弟何必骨肉親得歡當作樂斗酒聚比鄰盛年  
不重來一日難再晨及時當勉勵歲月不待人

白日淪西河素月出東嶺遙遙萬里輝蕩蕩空中景風  
來入房戶夜中枕席冷氣變悟時易不眠知夕未欲言  
無予和揮杯勸孤影日月擲人去有志不獲騁念此懷



悲懷終曉不能靜

榮華不久居盛衰不可量昔為三春蕖今作秋蓮房嚴霜結野草枯悴未遠矣日月有環周我去不再陽眷眷往昔時憶此斷人腸

丈夫志四海我願不知老親戚共一處子孫還相保觴絃肆朝日尊中酒不燥緩帶盡歡娛起晚眠常早孰若當世士永炭滿懷抱百年歸丘壟用此空名道

憶我少壯時無榮自欣豫猛志逸四海騫翮思遠翥荏苒歲月頽此心稍已去值歡無復娛每每多憂慮氣力漸衰頃轉覺日不如壑舟無須臾引我不得住前途當幾許未知止泊處古人惜寸陰念此使人懼

昔聞長者言掩耳每不喜奈何五十年忽已親此事求我盛年歡一毫無復意去去轉欲遠此生豈再值何家時作樂竟此歲月駛有子不留金何用身後置

日月不肯遲四時相催迫寒風拂枯條落葉掩長陌弱質與運頽玄鬢早已白素標挿人頭前塗漸就窄家為逆旅舍我如當去客去去欲何之南山有舊宅

代耕本非望所業在田桑躬親未曾替寒餒常糟糠豈期過滿腸但願保粳糧御冬足大布粗絺以應陽正爾不能得哀哉亦可傷人皆盡獲宜拙生失其方理也可奈何且為陶一觴

誅貧士

陶淵明

淒厲歲云暮擁褐曝前軒南圃無遺秀枯條盈北園顧壺絕餘瀝闕竈不見煙詩書塞座外日昃不遑研閑居



非陳厄竊有慍見言何以慰吾懷賴古多此賢  
榮史老帶索欣然方彈琴原生納决履清歌暢高音重  
華去我久貧士世相尋弊襟不掩肘藜羹常乏斟豈志  
襲輕裘苟得非所欽賜也徒能辨乃不見吾心  
安貧守賤者自古有黔婁好爵吾不榮厚饋吾不酬一  
旦壽命盡弊復仍不周豈不知其極非道故無憂從來  
將千載未復見斯儔朝與仁義生夕死復何求  
袁安困積雪邈然不可干阮公見錢入即日弃其官芻  
藁有常溫採管足朝餐豈不實辛苦所懼非飢寒貧富  
常交戰道勝無戚顏至德冠邦閭清節映西關  
仲蔚愛窮居遶宅生蓬蒿翳然絕交游賦詩頗能工舉  
世無知者止有一劉龔此士胡獨然寔由罕所同介焉

安其業所樂非窮通人事固已拙聊得長相從

昔在黃子庶彈冠佐名州一朝辭吏歸清貧略難儔年  
飢感仁妻泣涕向我流丈夫雖有志固為兒女憂惠孫  
一晤歎腆贈竟莫酬誰云固窮難邈哉此前修

雜詩

鮑明遠

十五諷詩書篇翰靡不通弱冠參多士飛步遊春宮側  
觀君子論預見古人風雨說窮舌瑞五車擢筆鋒羞當  
白壁貶耻受聊城功晚節從世務乘彰遠和戎解珮襲  
犀渠卷帙奉盧弓始願力不及安知命不終

廣文選卷第二十五

江都葛澗校